

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	UTUSAN MALAYSIA
Date	04 JUNE 2017

um- 4/6/2017 pg. 6

PM, DR. M DAN DAP

SIAPA Perdana Menteri jika Pakatan Harapan menguasai PRU 14, terus menjadi persoalan dan juga bahan sendaan ramai.

Kesediaan Dr. Mahathir Mohamad menimbang untuk menyandang jawatan itu, menambah kusut masai dalam Pakatan Harapan.

Sebelum ini, Anwar Ibrahim (PKR), Dr. Wan Azizah Wan Ismail (PKR), Muhyiddin Yassin dan Mukhriz Mahathir (Parti Pribumi Bersatu Malaysia) serta Mohamad Sabu (PAN), telah dicalonkan ke jawatan itu.

Awang sekadar senyum dengan perkembangan terbaharu ini. Belum lagi memerintah, sudah terlalu banyak petunjuk kegagalan pada Pakatan Harapan. Baru-baru ini, Dr. Mahathir diperangkap dan dimalukan dalam Konvensyen PKR apabila semua pemimpin Pakatan Harapan yang hadir diharapkan untuk mengangkat plakad menyokong Anwar sebagai Perdana Menteri Ke-7.

Bagaimanapun Penasihat Parti Pribumi itu enggan berbuat demikian yang dilihat tamparan besar kepada PKR. Pada Dr. Mahathir, Anwar tetap tidak layak sebagai Perdana Menteri kerana isu moral dan akhlak seperti yang pernah ditegaskannya berulang kali. Kini, tidak lama selepas insiden mengangkat plakad Anwar, beliau seperti memulakan tindak balas.

Apa pun, percaturan antara Dr. Mahathir dan Anwar, kuasa menentukan siapa Perdana Menteri adalah pada Penasihat DAP, Lim Kit Siang. DAP adalah parti paling berkuasa kerana mempunyai majoriti kerusi Parlimen dalam Pakatan Harapan yang dijangka sama keadaannya pada PRU 14. Kit Siang boleh memilih siapa sahaja sebagai Perdana Menteri termasuk Mat Sabu, yang paling dipercayainya. Gelarannya nanti YAB Mat Sabu, apa macam?

